



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCXLIX. ad annum DCLXXVI.

Parisiis, 1644

Epistola Martini Papae Ad Amandvm Episcopvm Traiectensem. Dissuadet
ne episcopatum abdicet. mittit acta Synodi Romanae, vt ab episcopis
Galliae congregata Synodo confirmentur. monet vt Sigeberto Regi ...

urn:nbn:de:hbz:466:1-15300

EPISTOLA

MARTINI PAPÆ

AD AMANDVM EPISCOPVM TRAIECTENSEM.

Diffuadet ne episcopatum abdicet. mittit acta Synodi Romanæ, vt ab episcopis Galliæ congregata Synodo confirmentur. monet vt Sigeberto Angi suggerat demittendis in urbem episcopis, quilegatione ad imperatorem fungantur.

Dilectissimo fratri Amando Martinus.

FRATERNITATIS tuæ studio pietatis congestam epistolam suscipientes, animos nostros reueari cognoscimus. Quippe quoniam huius sæculi fluctuagas atque transitorias despicientem oblectationes, illa quæ perpetua & sublimia dona pro Domini Dei nostri obsequiis tribuuntur, appetere certum est. Ex relatione igitur, iuxta tenorem tuæ fraternitatis epistolæ, præsentium laboris, laborum tuorum certamen cognouimus: ex quibus cælestis patriæ ascensu, humiliatis mentibus, atque contritis corporibus, vobis futurorum gaudiorum largienda sunt munera. Nam cum sit nulli omnino comparationi coequandum, quod a creatore nostro pro bonis seruitiis repensatur, dum breui, atque paruo temporis spatio finiuntur labores, quos pro dilectione ipsius sustinemus, consideratione refrigerii nos oportet libenti animo tolerare præsentis vitæ angustias. Sed quantum nobis laborum vestrorum operatio magnam gaudii libertatem inducit, tantum pro duritia sacerdotum gentis illius conterimur, quod postpositis salutis suæ suffragiis, atque redemptoris nostri contemnendo seruitia, vitiorum fœtoribus ingrauantur: quibus ad præparandam salutem quandoquidem tantum nos necesse est importunis prædicationibus imminere, quantum nos perfectæ negotiationis creditorum nobis talentorum duplicat assignatio, atque dominicæ vocis ad suscipiendam eius requiem persuadet assertio. Suggestum est namque nobis, eo quod presbyteri, seu diaconi, aliquæ sacerdotalis officii, post suas ordinationes in lapsu coinquinantur: &

ANNO
CHRISTI
649.

ANNO
CHRISTI
649. propterea nimio mcerore fraternitatem tuam adstringi,
velleque pastorale obsequium pro eorum inobedientia
deponere, & vacationem ab episcopatus laboribus elige-
re, & in silentio atque otio vitam degere , quam in his
qua tibi commissa sunt permanere , dicente Domino :
Beatus qui perseuerauerit usque in finem. Vnde namque bea- Mat. 10. 22.
G. 24. 13.
ta perseuerantia, nisi de virtute patientiae ? quia secun-
dum apostolicam prædicationem, *Omnis qui voluerint in Christo pie vivere, persecutiones patientur.* Ideoque, frater ca-
rissime, non vos afflictionum amaritudo a pio mentis ve-
stræ proposito coarctet recedere , considerans quanta
pro absolutione nostri & liberatione creator Dominus-
que noster pertulerit, quibusque se contumeliis afficien-
dum tradiderit, vt nos a vinculis diabolicae potestatis li-
beraret. Propterea nullatenus in huiusmodi peccato de-
linquentibus ad destructionem Canonum compassio-
nem exhibeas. Nam qui semel post suam ordinationem Distinct. 1.
Qui semel post.
in lapsus ceciderit, deinceps iam depositus erit, nullum-
que gradum sacerdotii poterit adipisci : sed sufficiat ei la-
mentationibus fletibusque assiduis quoisque aduixerit
in eadem pœnitentia perdurare , vt commissum deli-
ctum diuina gratia extinguere valeat. Si enim tales qua-
rimus ad sacros ordines promouendos, quibus nulla ru-
ga , nullumque vitæ contagium mentes & corpora præ-
pediat : quanto magis , si post ordinationem suam quis-
piam in lapsus ceciderit, & prævaricationis peccato de-
prehendatur obnoxius , omnino prohibendus est cum
manibus lutulentis atque pollutis mysterium nostræ sa-
lutis tractare? Sitque huiusmodi semper, iuxta sacrorum
Canonum statuta , in hac vita depositus ; vt ab illo qui
mentis interiora scrutatur, nullamque de ouibus errare
congaudet , dum aspicerit sinceram pœnitentiam eius,
in terribili iudicio habeat reconciliatum. Ideoque ite-
rum hortamur caritatem tuam , exemplo eius qui pro
nobis pati & mori voluit , promptos vos in cunctis eius
seruitiis permanere. Neque pigeat vos temporales cru-
ciatus pro Christi nomine sustinere : sed emolumenta
futuræ remunerationis huius sæculi vexationes tolerare
persuadeant. Scriptum namque est : *Quid retribuam Do-
mino pro omnibus quæ retribuit mihi ? Calicem salutaris acci-*
Concil. Tom. 15.

piam, & nomen Domini inuocabo. Tantum enim a nobis exigitur, quantum possimus famulatus nostri obsequio commodare. Cumque cuncta quæ nobis ad confortandos fraternitatis vestræ animos poterant ministrari, largiente supernæ maiestatis clementia vobis sint procul dubio manifesta, restat ut de aliis quæ nos per sua scripta consuluit, fraternitati vestræ significemus.

Credimus etenim ad vos peruenisse, quomodo in conturbatione rectæ fidei, & catholicæ ecclesiæ conculcatione, ante hos annos plus minus quindecim, a Sergio falso episcopo Constantinopolitano, in auxilio habente tunc imperantem Heraclium, execranda & abominanda hæresis pullulauit, Apollinaristarum & Seuerianorum, Eutychianistarum atque Manichæorum errorem renouans: quam successor eius Pyrrhus, idemque episcopus, qui ambitionis fastu Constantinopolitanam sedem arripuit, in deterius auxit. Pro qua re saepius apostolica sedes persuasionibus, contestationibus, atque increpationibus plurimis admonuit eos, quatenus ab huiusmodi errore recederent, & ad lumen pietatis ex quo lapsi sunt, remearent. Et non solum hoc facere nullatenus voluerunt: sed & nunc successor eius Paulus, temerator fidei, episcopus Constantinopolitanus, aliud nequius excogitauit in præjudicium catholicæ fidei conamen, quasi quæ a decessoribus suis hæretice exposita fuerunt destruens; & imperiale typum, sacrilego ausu, totius plenum perfidiæ, a clementissimo principe nostro fieri persuasit, in quo promulgatum est, ut omnes populi Christiani credere debuissent. Ideoque necesse habuimus, ne pro quadam negligentia & animarum detrimento quæ nobis commissæ sunt, culpæ reatu adstringamus, cœtum generalem fratrum & coepiscoporum nostrorum in hac Romana ciuitate congregare. In quorum præsentia memoratorum hæreticorum scelerosa conscripta examinata, atque denudata sunt; & apostolico mucrone, patrumque definitionibus, uno ore unoque spiritu condemnauimus; ut cognoscentes vniuersi errorum qui in eis continetur, eorum pollutione nullatenus maculentur. Vnde præuidimus volumina gestorum synodalium in præsenti vobis dirigere, vna cum ency-

ANNO CHRISTI 649. clia nostra. Ex quorum serie omnia subtiliter potestis addiscere , & tenebras illorum nobiscum , vt filii lucis , extinguere. Idcirco studeat fraternitas tua omnibus eadem innotescere , vt tam abominandam hæresim nobiscum execrentur , quamque suæ salutis sacramenta addiscere valeant , atque synodali conuentione omnium fratum & coepiscoporum nostrorum partium illarum effecta , secundum tenorem encyclia a nobis directa , scripta vna cum subscriptionibus vestris nobismet destinanda concelebrent , confirmantes atque consentientes eis , quæ pro orthodoxa fide , & destructione hæreticorum vesaniæ nuper exortæ a nobis statuta sunt. Et¹ Sigebertum præcelentissimum filium nostrum regem Francorum , pro suæ Christianitatis remedio consultissime admone atque precare , dirigere nobis ex corpore fratum nostrorum dilectissimos episcopos , qui sedis apostolicæ legatione , diuina concedente propitiatione , fungi debeant , & quæ in nostro Concilio peracta sunt , cum his synodalibus apicibus vestris , ad clementissimum principem nostrum sine dubio asportare : vt nostrorum laborum particeps effectus , mercedis cumulum adipisci valeat , & sui regni protectorem inueniat eum , cuius causa flagitari dignoscitur. Hoc namque & in eius epistola exhortari eum cognouimus. Reliquias vero sanctorum , de quibus præsentium lator nos admonuit , dari præcepimus . Nam codices iam exinaniti sunt a nostra bibliotheca , & vnde ei dare nullatenus habuimus : transcribere autem non potuit , quoniam festinanter de hac ciuitate regredi properauit. His igitur prælibatis , quæ a nobis per epistolam vobis scripta sunt , effectui mancipari fraternalitatem vestram hortamur. Deus te in columem custodiat , dilectissime frater.

NOTÆ IACOBI SIRMONDI
SOCIETATIS IESV.

¹ *Martini pape epistola.*] Synodus Romanam Martini papæ aduersus Monothelitas , cuius acta cum hac epistola in Galliam missa sunt , celebratam constat mense Octobri , anno Christi DCXLIX. Scripta igitur epistola , vel eodem mox anno exeunte , vel initio sequentis.

² *Sigebertum regem.*] Dagoberti nempe filium , qui in Austrasia regnabat . Ex actis porro vitæ sancti Eligii lib. 1. cap. 33. liquet eadem

Nn iij